

百名家詩選

小引

魏子曰淮陰古豪傑地也豪傑以才氣雄不得其平則鳴爲天下憂近少豪傑而多文人文人入以詩文勝不得其平亦鳴爲天下法法之斯在尺寸以量之銖銖以衡之其法始善焉曙戒丘先生淮陰文人也以名制科讀書中秘宜無不平之鳴矣忽謫而之嶺表山川之奇峭風土之凌越輒有以發其不平之鳴故凡身之所歷適者逸者吁者駭者高者下者怪者幽者無不見

之于詩可爲法于天下。裴余選詩持僅登其數
首不無恨少。近始得其嶺海集古體取材昭明
長句希蹤太白近體以少陵爲主佐以王孟故
音節聲響意象丰神無之不飛揚欲動真可束
天下于法之中遊天下于法之外譬大塊噫氣
吹萬不同寧僅爲黍谷之暖已哉而又何不平
之鳴也雖然詩首三百關關之鳩呦呦之鹿以
開風雅何一而非鳴者鳴其所善鳴則文人也
而聖賢之矣寧豪傑之足云淮之上有張虞山

焉曙戒友也有季貞慎菴焉曙戒兄弟也皆文
也其所鳴又何如也

百名家詩選

福清魏 憲惟度輯選

黃岡王澤弘吳廬 遂安毛際可鶴舫

恭

山陽陸求可密菴 黃岡王追騏雪洲

丘象升 字曙戒山陽人

登金山同虞山家季貞

高步金山寺蒼茫萬象空氣吞橫海外波立大
江中石爛雲長出花巖徑暗通臥看仍不倦霞
起一天紅

自青沙溪至李陽驛作

海色東林發山鳥高空起漁父棹歌來盪入前
溪水披衣向曉嵐岸改日屢徙平林綠蕪晴空
青疊累累遠山亘蜿蜒斷續天根倚舟子避風
濤側帆折江汜清流分宛委磯石更磊磊縹緲
未敢櫻高穿雲樹裏孤雲幻山嶺古樹排山趾
柔櫓婉轉間變態非一理孤帆悲獨往駕言息
江汴登高一遐覽胡爲嘆泥滓

登廻瀾閣同張虞山和家季貞題壁韻

危閣盤江嶼停橈落日過天垂山麓斷戶敞水
雲多壞瓦穿蒼鼠翻潮浴巨魁故園望何處壁
上起悲歌

潯陽江上作

一日乘風數百里山光不斷樹不已遠峯橫疊
青天中危磯突出江心裏怒濤飛噴石壁翻蒼
虬倒掛陰崖起一氣從龍萬仞間晴雨烟嵐倏
忽徙朝昏過眼不知名但覺巉巖照江水忽聽
漁歌江水生絕壑深坐垂竿子簑風笠雨何倘

卷之六十一
祥車塵馬跡徒爾爾酌酒試尋陶處士編籬種
秫從茲始

望小孤

不到潯陽已十年布帆無恙此南遷小孤山色
仍如舊一任風波倚碧天

遊石鐘山遇談長益

維舟絕壁下孤城山角起及我登高樓人烟又
山底破壁翳苔蘚壞道蒼荆杞盤紆石磴過兩
山高莫比峯巒蹲虎豹溪壑藏神鬼一步一回

看心目驚屢從曉色隱潯江暮雨昏彭蠡俯尋
怪石間深潭空若洗爲聽鏜鏘聲殷殷石罅啟
或奏函胡音或含清越理靜聆悚精魂駭愕翻
自喜忽遇故人來探幽步山趾昔者東坡遊石
鐘與君今遇石鐘裏天南地北久離群何期復
聚佳山水

峽江

贛江衆水爭峽門復陡云中流莫敢撓近岸磯
如翼夏雨更霏微百丈牽難陟上游信天險逆

溯空人力呼號竟朝昏
只在山南北曉雲半峯
屯飛瀑石梁出齒牙
變萬千遠近響非一異境
殊曠然風塵何太逼

百嘉村

千里烟塵僅百嘉
六次不過幾人家
誰憐壞道餘砂礫
尙有寒泉咽野花

萬安城

萬安城蹲萬山中
青蒿野棘搖悲風
我來晚泊萬山下
高灘石瀨聲哀瀉
夜聽縱橫虎跡強咆

哮猛氣駭孤寡更有樓船十萬駐縣帖催夫急
日暮城市寥寥人幾家徧搜荒野充其數痛哭
前村誰忍聞欲逃猛虎愁無路我聞新恩今正
頒蒼生舉踵皆歡顏胡爲迫促愁九關君不見
韶山韶水間九成之樂不復還昔何休豫今何
艱

過十八灘雜詩

夜宿萬安城灘聲崩入耳凌晨泛迴流觸目愈
激詭白水瀉天河青峯裂地軌幽森陰白日開

闢滴太始崎嶇我欲泣跼蹐况舟子猿鳥不敢
立牽挽無所倚浩波復茫茫怪石潛江底我自
謫官時側聞心倚徙歷茲果惶恐艱險殊未已
惶恐
灘名

高峯如雲湧變幻多奇狀縱觀極天表壁立忽
相向去徑各已合前崖復奇創石罅一線開幽
境轉夷曠老樹掛層鍊勁翮飛難上胡然蛟鼉
吼趣惡聲尤壯案風雜山鬼嘯怒奔巘嶂予心
自坦坦三老空惆悵

收帆日已斜
岞嶸猶不斷
孤烟入羣峯
濛濛失霄漢
夜半月清迴
村墟色蕭散
鶻鵒自悲鳴
蒼颺自奔竄
賈舶畏猛虎
戍鐸依沙岸
可憐茲地上
久矣傷多難
大編復中編
千里來更換
王師何容與
七閩方長嘆

過梅嶺 三首

荒僻至南安
直疑宇宙塞
不知過橫浦
險隘通殊域
山亂無尊卑
萬疊互欹側
仰摩天氣青
俯障地氣黑
一步一境新
一磴一歇息
案椽多奇

姿烟嵐變衆色坡陀間村烟曲折成溝洫秧苗

碧于水懷新見農力何幸兵火餘此地猶耕織

驅車礙山角緩步苦日赤攀藤到嶺門轉覺山

陰積路高欲近天雲沉飛細澤衆風忽颼颼暑

氣消寒石石泉自中頂萬古分嶺脉隱隱度榛

莽高低響亂磧誰爲此疏鑿輸貢來重譯及今

苦戰征猶爲罷賦後

一縷雖孤懸對面驚猿狖方聞嘯我前忽已襲

我後老樹鬱稠陰微隙如中霽及我步山坡谿

谷復非舊石崩似欲飛溪烟似欲繡中原真尺
幅安容此絕構

海南秋興

交趾西連漲海狂石塘何處白茫茫颶風挾雨
愁猿鳥月信偷潮背短長獠崗人人殊譯語漢
家歲歲入梯航玉音自昔宣奇甸百拜今猶感
聖王

去國何妨老粵疆可憐霜鬢在高堂捫心客路
黃茅瘴握手歸期白露涼遠戍秋砧新搗月空

亭孤夢冷啼螭暗驚蕭颯飄柳葉已送西風到
竹牀

登七星巖

怪石爭奔突懸崖半欲圻榕根盤積鏤雷斧劈
妖螭穴暗穿風雨天低險髮絲相傳能醉卧獨
醒亦何爲

諸公同載酒日暮集前亭碧鑑搖殘梗黃花放
晚馨人經奇險處山變曉昏形歸路一回顧疎
鍾入杳冥

觀音巖聽虞山彈琴

泯泯溟陽水沿江山繚繞輕舟弄水涯看山日
未了旣夕乃停舟傍水依巖表籟靜澹人懷山
空息飛鳥忽聞山水音夜半清嫋嫋不復辨焦
桐神情益浩渺推篷一長嘯江澄山月小

晚晴同虞山步亂石灘

舟停微雨過風定暮山晴散步寒嵐重低視亂
石橫峽荒祠不火樹禿鳥無聲深入驚籬人人
音隔水生

雨中過劍鋒灘

盡日盤螭路看山幾萬重雲迷風不辨樹黑雨
初收怪響知灘近高流帶石春劍鋒空錯愕小
艇却從容

送葉淡生南歸

與君未相晤忽已言相別不知兩搖搖神思從
何結早秋入國門風沙眼光滅忽入青蒼裏坐
我深山穴騎驢急相索空谷還心絕西去玉泉
峯探勝桑柎沈到處有題名獨與山靈焚我輩

真精神筆墨相傾折聲名非可邀山水自怡悅
把君詩在手傳誦聲不輟乃聞返故廬惆悵心
如竭

秋日喜遇毛子霞于慈仁寺松下

丹楓阻二別玉露集三洲每對晴川樹常思聽
雪樓閉門無好伴扶杖偶閒遊雲聚蒼龍隱陰
深白日幽逍遙方散步箕踞有科頭冷愛無人
境歡逢不意投閒襟空萬里長話到千秋高蹕
從難識朋情少易酬他年碑碣在風雨護丹丘

所見

八月晦日河上行晚風溟溟含陰晴垂簾塞兌
深相向白駒一隙掀空明群呼大叫推蓬視西
陸奇光燬海水倒降側嶺天上垂龍樓蜃氣何
所倚頃刻風吹北極迴南山宮闕轉蓬萊大塊
文瀾滿天走晴雨溪山分不開船頭獨立眼光
紫炯炯直射長河裏只擬滄桑欲定鰲不眠又
疑圖畫欲出龍馬起吁嗟兮何奇山不得名之
爲山水不得名之爲水把酒生平得未有高堂

廣廈寧知此長嘯數聲歌未已陰陽餽覆不敢
拊飛電流霞倏忽東酒杯未乾千萬里惟哉高
帆火似紅千檣艷艷張赤風篙子鬚眉皆欲燃
祖龍豈有驚天功君不見寒鳥不知夏秋蛭不
知冬蛙吟蚓腹南華翁搖唇鼓舌悲鴻濛

報國寺松歌

嗚乎山川有靈氣草木皆能鍾乾坤殊變化奇
章能不窮振衣高上毘盧閣神京俯視歸鴻濛
天峰氣接太行西北河澎湃盧龍身滾滾沙塵

市朝起獨結離奇青一叢異哉此松自何代數
時環遶寒陰重高枝古榦皆尋常兩株創闢奪
化工不與群木爭叅天卧鱗偃甲盤琳宮日照
晴雲生紫烟雨翻陸地走神龍清陰橫被方畝
外交枝接葉低相攻榦中有小樹寄生亦茈茈
飛鳥入其下不知何所從吁嗟秦松漢栢有其
名實歷乃知天下雄我寓慈仁兩月餘睥睨獨
與此君同門外車騎何僛迫門內鐘鼓何疎慵
五侯七貴勞攘至誰能盤薄坐其中君不見新

柳高槐夾廣道攀枝泣然搖秋風與君酌酒安
所知露下天高報國之松

馬當

馬當山下下輕航亂石風穿花徑香橫枕江流
吞楚豫平分匡阜割陰陽海魚欲上乘潮捲沙
鷺驚飛向晚翔獨坐斜陽貪縱目却忘天險在
高岡

寒溪

暫脫風塵累飄然物外遊寒溪春雨潤深樹晚

鐘留孤堞迎窻出長江入檻流曠觀皆自得更
欲上西頭

雨中同王昊廬侍讀王雪洲給諫與樂叢
上人話九曲亭

雨中躡屐轉西林空谷誰知有好音一鉢寒泉
清到骨數行殘偈冷關心魔高百丈方知道火
爍千爐始見金今日不須談底事撚花在在足
春陰

皖城迎江寺和牧仲韻

城闕高臨寺江空晚泊船
賽神春社酒贈芍冶
遊天佛果從花散仙音借鳥傳
潛山多勝地卓
錫自何年

和呈牧仲招同季成登岸小飲

野泊收帆早灘沙漾水圓
射分高岸濶酒愛遠
村連巨口懸釣活春簾
滴雨鮮回船幽興懶芳
草欲成眠

同諸公遊宋氏山林憇積真寺後園是日
牧仲招集識舟亭

不獨烟霞勝還增位置嘉編籬門映水種竹路
牽沙花落飛還起香多樹不遮曲樓攢小閣絲
管在誰家

雨後春泥熟田家急早耕蔬畦分界碧溝澮別
行清屋舍堪分畫漁樵各治生細看牛背穩忽
有故山情

極目歸舟處荒亭勝槩收故人良宴會詞客最
風流烟白江如定雲蒸山欲浮日窮飛鳥盡猶
自戀磯頭

漢書還重酌山林匝晚烟只疑城柝遠猶聽寺
鐘縣歸袖侵嵐濕春星入水眠此中丘壑意盡
載米家船

三月一日采石大風雪歌

昨日江心起碧波江沙滾滾黃如河船頭雪花
噴千尺蛟鼉得意排山過窄港深碇極屢徙長
年恐懼心未已更道年年三月三鯉魚風惡非
常比賈客聞之不寐坐連檣明燭待風過雷車
殷殷匝地起電旗閃閃穿江破千軍萬騎忽奔

騰人心摧折驚遷播側聞太真燃水犀水恠洶
洶無所棲豈今白也復捉月亂攬波心聲發發
萬壑深松裝不住山靈激作蛟龍怒白浪橫衝
石壁回磯頭鞢鞢聲相妬三日搖搖舟未寧江
頭蕩落不堪聽漫空亂濺鮫人淚凍作寒花山
失青天心蕩蕩良匪測惟有塞向屏營守戶庭
謫仙樓觀蕭尺木畫壁歌

我自瓊州海島歸縱跡馳情山水忌但見大塊
真文章窮奇浩瀚滿天地今也停舟謫仙樓招

手李白全遨遊
脩焉樓下烟雲起
晴雨溪
壁裏狂呼應接不能暇
天下名山皆聚此
舉步
經登太岱嶽七十二峯
峯側連南天俯視十八
盤置身日觀滄海懸
回首匡廬雲海紫
東林西
林一氣耳不辨
五老坐何處濛濛萬古浮
江水
江水西自蜀川來
峨眉秀發從天開
一輪明月
下秋水近照青崖猿嘯哀
忽見澗風颭颭寒刺
脊咫尺華陰積雪凝千尺
蓮花玉女非人境
明星仙掌開
奇闢樓內松風響
盈耳樓外江湖聲

不已千青萬翠捲吾身
暝濛歸路從何指
憑欄目眩神搖搖定睛
作者爲蕭子蕭子蕭子爾何
雄七十四歲髮芄芄出門拄杖乃能走下筆
離奇翻虬龍始知人有真精神
直與造化爭端倪何有畢力事丹青
聲名已噪虎頭齊白也亦非真酒人
蕭子亦非真畫師天地有寒暑草木各
自如登樓欲識醉翁意時向壁間自領取
冷冷乎高山流水之深思

題丁繼之秦流水閣和錢牧齋宗伯韻

桃花欲盡柳條新，綠水波迴戀舊春。
燕子空憐歸社日，漁郎驚起避秦人。
青谿有笛傳邀步，彩鷁無燈照渡津。
賴得老翁風月主，能教山水不清貧。

江臯曲

采石磯頭花亂飛，誰家遊女戀斜暉。
春心似厭金閨暖，故逐東風吹舞衣。

花信纔過又採蘭，江臯寒食珮珊珊。
雙纏不耐蒼崖峻，倚遍朱樓十二欄。

三台閣下謫仙樓
挈榼携樽共冶遊
穿蛺蝶碧莼影裏亂箜篌

已酉三月再泛紅橋
同宋牧仲汪蛟門宋
中郎喬石林韓醉白
蕙懷王阮亭孫豹
人龔半千張虞山

清流催盡舫春影
亂紅橋嬌鳥驚人散
名花隔水招迎風
頻縱酒落日屢停橈
悵望平山外迷樓
何處消

昔日同遊伴
今朝思黯然
茱萸觴夜月
芍藥舞

晴烟白雪存詩格黃鶯換酒船法曹真好士遺
事竹西傳

同宋牧仲宋中郎鄭有四汪蛟門喬石林
觀查伊璜女衆

曲徑深穿水向城鮑家亭榭有時名餘風猶襲
迷樓艷度曲常聞子夜聲

汾陽絲管日翩翩歌舞功成樂暮年何況此君
多難後黃金用盡葬嬋娟

天津登玉皇閣

塞水東來入白河
帝京環抱鬱嵯峨
氣連島嶼通潮汐
地近燕雲起駱駝
節鉞久弛遼海濶
魚鹽獨向直沽多
遙看風帆朝天去
百萬梯航一夜過

聽山堂贈馬西樵

四野澗無際
編籬擁萬城
門偏迎夕照
樹雜亂秋聲
虛室常生白
寒流不斷清
主人惟閉戶
抱膝有餘情

立秋日呈田沛蒼宋右之兩學士王鶴山

梁子遠兩京卿

客心愁熱倚長松乍覺涼颼下短塘北闕晴雲
來五色西山積翠隱千重過從金井開新釀卧
對寒蟬咽曉鐘曾侍六龍天上節瀛洲佳氣老
芙蓉

長安早秋三首

爲客京華日驚心白露時月明千戶靜斗轉萬
星移北地寒原早南枝風正吹繁霜猶未殞百
卉已難支

散髮堪深坐開樽有素歡
西山青雨急南苑白雲寬
蒲柳搖疎氣樓臺變舊觀
行人愁夜熱燈火白長安

月到秋先白涼增雨後深
上都連朔漠七月搗寒砧
燕市騎驢客金臺戀主心
長沙愁更遠玉露滿楓林

中元坐雨遲葉蕃仙不至
夜霽月色更明
帳然有懷

獨坐常相憶何當秋雨時
待君終不至更向月

明期揮手空千乘
啣盃借一枝
委蛇親老意
升斗不須辭

李道士亭子絕句二首

庭外高槐樹吹來忽有聲
一樽開未已滿地落花生

夕影蟬猶噪南郊雨驟來
酒狂隨處去更欲問蓬萊

長安早秋再用姬望嵩三兄弟韻

閭闔開雲際天高萬象空
金莖承碧漢玉臼搗

瓊宮射柳塵無警
吹面賦最工
九重憂稼穡不
待感秋風

帝德原寬大
流移塞漠回
三宮巍日月
九市迴
聖埃駝馬秋聲壯
旌旗曉仗開
昔經承輦路
金粉接蓬萊

疎館臨池澗
乘涼看躍魚
花明香隔院
曲細艷
停車落葉紅
牙脆輕風白
紵疎搖搖垂
柳外秋
露淡芙蓉

常恨燕山雨
擎杯聽幾曾
芭蕉清夜籟
蟋蟀亂

秋燈寒至鳥聲急風多桐影憎石床吟未穩
卧不如僧

病後披裘早秋風感三毛拙能存傲骨貧每笑
緇袍路遠砧聲急星低螢火高孤吟三楚客江
上讀離騷

望闕呈同院諸公

日出蓬萊雨露親十年曾侍起居人香凝淑氣
分青鎖花遠晴雲向紫宸禁柳久迷無路入宮
驚重聽一時新上林淹頓愁難賦輪囷遙瞻益

愉神

出都

屢易登程日遲迴去國心殘鞭催落照歸路感
秋砧鳥倦投林急雲飛護闕深行藏俱未穩頭
上雪霜侵

聞雁 思仲兄也

風急揚舠直向東數聲寒雁落秋空驚人苦帶
關山恨惜羽翻悲霜雪窮身上上林曾有寄群
離北塞杳無通傷心二十五年淚濕盡征衣酒

斷蓬

送吳姬望遊歷下兼呈周霖公學使

吳子蒼茫大雅嶽崎磊落之奇才談詩說劍長
安來道高不與時人伍碎琴拂袖黃金臺八月
天高霜氣直踈襟抗志無秋色長嘯數聲天地
青白眼舉世誰可得側聞讀史稱元公吐哺握
髮欽遺風今乃爲此歷下遊豈有德音相與同
吳子掀髯長嘯仰天歌歌曰齊魯天縱有孔孟
洙泗淵源開鴻濛况也泰山天下宗泱泱大國

稱奇雄窮討不辭跋涉勞延陵往蹟先吾曹徂
徠逸客多英異漆園老吏何逍遙太白至今樓
名酒南池竟爲少陵有當時諸君皆奇人數奇
遇蹇何不偶我作歌君飲酒酒未訖歌未終大
明湖聲颯颯華不注烟濛濛君之傲骨丈人峰
千年無長揖百歲無俯躬短裘敝屨隻身走繁
霜落葉飛輕鴻抗手別其翁與友嗚呼獨尋東
道玉人翁山川不得居其功

黃芽

菜名

河上荒涼愧釜鬻銀芽
頻頻每相尋梗腹濶白
橫徑寸葉潤微黃澹似金
清脈萼絲紛繞指潔
同蘆笋少烹鱖四時風味誇
常有冬後還禁雪
色侵

下分水

水勢南分秋正乾
從今行路不須難
船頭穩坐
迎明月櫓尾輕搖入曉寒
白動漁舟飛下瀨
陰濃柳岸響迴灘
榜人齊唱揚州曲
不數吳兒字
字安

小引

魏子曰人不真惡能詩有意爲之則僞矣詩不
真惡足傳有意爲之則僻矣惟無意于爲真而
真詩見真人並見者斯其人非常人其詩亦非
常詩雲門藥蓉菴先生真人也負才名三十年
絕無名士趺弛氣習令頓丘惘惘無華上交不
隨而下交不亢焉黎庶沐其清風愛而誦之曰
我侯真哉故人其治無苛政登其堂無積牘方
期奏最 承明適以讀禮謝事群百里蒼赤不

忍其去出郭之日至有越境祖道依依出涕者
則先生之真尤徵諸輿情而可見也余托知交
最深因合其新舊詩拔厥尤者梓行如見先生
性情所至使讀者不必知其名亦射覆得之曰
非若人莫能爲也此其詩爲真詩不假力而就
如山泉之赴壑晴嶺之捲雲也不雕琢而神如
秋風之振籜明月之出林也彼雕蟲小技彘彘
自相誇譏壯夫之所不爲奚僞與僻焉故曰有
非常之人而後有非常之詩

百家詩選

福清魏憲惟度輯選

華亭沈荃繹堂會稽徐名世次畱

叅

宣城施閏章愚山嘉定周陳俶義扶

葉雷生字蕃仙號葵菴山陰人

楊白花

樂府楊白花魏將名後歸梁宮闕思之作歌隱名托義漢庭赤鳳來之屬也後代作者緣情申旨互有寄托卽樂府可

知矣漢魏以前當法其章句可通者今
見作者以脫落錯互意不相屬爲近古
則是撻觚之士必殘形去目而後爲左
史龍門也病中偶作三章亦載筆之始
且畧志鄙見以告同學

楊白花白如雪年年烏啼暮春月東家少年行
不歸楊花如雨沾客衣

三月下旬天氣悲楊花飛不得吹作御街泥樓
上美人含笑看下里孤兒淚如霰

楊白花宛轉房櫳間
纏綿綺繡榻流影拂朱顏
東風剗地畱不住
不見楊花見楊樹

塘上行

蒲生塘上晚鴛鴦
羽翼短日夕宿蒲根相期爲
嫵婉黃雀高高飛
嫁女日夕啼邯鄲
多蕩子趙女歛蛾眉
蕩子下巴陵
倡家多有情
朝橫翡翠被
夜奏鳳凰笙
白日何離離
結交須及時
朱門青瑱闊
駿馬紫金羈
青瑱生塵滿
黃雀高飛遠
請看塘上蒲
太息加餐飯

東家行

東家有好女，綽約如朝烟。弟入平陽館，兄是李
延年。春風入房櫳，繚繞不得眠。起來花下立，淚
落如流泉。弟兄來相勸，何不及盛顏。著我繡腰
襦，繫我青絲錢。入門拜阿嬌，驕蹇氣不前。關雞
長樂里，走馬章臺邊。夜夜明燭坐，滅燭更可憐。
寄語東鄰妹，孤居直自賢。

秦女行

秦女懷死別，臨訣百裘徊。陰陽道乖隔，化爲繡

鳥歸一解 疇昔中夜歸 鬢鬢動總幃 故夫抱關

臥孤雛著臥啼二解 孤雛著臥啼 桁上有懸衣

欲語更前却 謂勿使兒饑三解 兒饑不敢啼 鵲

泉隔戶飛 吾將訴問闔皇路 使康彞四解

涉江采芙蓉三章

商飈颯然至 百卉具已腓 宵分聽蜻蛚 素魄曜
房帷 晨鷄動高樹 候雁東南飛 窈窕芙蓉花 徙
倚臨江湄 水深憂魚龍 水淺畏萍泥 褰裳不得
就 躊躇心不夷

江南秋氣晚
襍卉猶克庭
蓐收不時至
坐聞駛鳴亭
亭亭芙蓉花
丹葩曜陽莖
美人垂素手
天際留雲幃
貯以綠玉房
薦之紫石英
毋令繁霜至
坐嗟芳歲零

荀蒙題鄭園含桃薦華林
陽春豈不懷
感此秋和浮
劍房下曲渚
幽花粲重襟
欲以貽遠道
所歎無同志
明年鴻雁至
與爾懷好音

雨雪行

關山行路大難泥
深車折僕夫長歎
一解

米折車輪泥深馬腹南望邯鄲西臨上谷 二解

吁嗟艱哉秦趙之都趙女彈箏秦民畢逋 三解

今上御寓百姓和樂隨山刊木至于大漠 四解

河水漸漸霰谷盤盤羽林孤兒短褐不完 五解

東方鸚鵡鳴鵲今日出遄鼓鸞旂還于衢室瑞應

自天民無疾疾 六解

擬古二章

金仙不可見沉憂寄醺醪向晚秋聲來懷我北

窓竹薊門客五載浮踪媿麋鹿燕昭與望諸棄

我如轉轂宋公來自晉暫得共被宿微言絕衆
流高議賊時俗尚想孫登嘯雷霆幽獨努力
黃前修扶桑迎暉

行客下擔見羅敷將鬢長夔喈春雲從東來海
月映空碧安得一尊酒與子共晨夕

已酉秋日丘內翰曙戒招集天壇李道士
亭子分賦得七言古

煌煌京雒天宇清五君七子盛有名渴來願倚

賣漿宿愁劇翻爲六博行
栖栖丘子何爲者踴
蹀風雲陪五馬奏賦頗憶明光宮
看雲重過郊壇下郊壇亭子何蕭森
柱史伯易知我心琪樹瑤花那可見
越客楚狂相對吟煩君載酒意不
薄當筵清睡槐花落向晚風雷發
旅愁歸路青鞵雙寂寞紫壇宵篠
鏤齋廊漢時秦雍事渺茫何年獻
頌聞天樂寶鼎芝房空帝鄉

觀趙吳興臨李將軍明皇幸蜀圖歌

開元帝子元神武手平內難登天府
清明初政

齊貞觀殿庭寶玉同塵土威栗秋風秦隴寒哥
舒兵潰走長安海棠睡足臙脂損閣道淋鈴行
路難秦關隴水聲嗚咽不見驪山舊宮闕魚復
蠶萊古帝鄉玉壘錦江新日月才人小帽窄征
衫倚馬木末愁巉巖不見前旌望後騎從官涉
木鬚鬢鬢殿前力士猛如虎手馴白澤行負弩
神獸能知萬物情當時未說長征苦負囊飲馬
羽林兒沙崩古岸風颼颼滄茫麥飯知何許大
樹將軍立少時翠華隱隱啣江日鳥道盤空雲

氣濕武擔山頭王氣多梁父禪亭卹可及捥溫
承旨趙王孫手寫此圖鑒戒存秋槐花落弦琯
歇臯亭風急江雲昏我觀此圖重嘆喟天荒地
老無終極臣甫低頭拜杜鵬戎州荔枝那忍食
廢興天定無柰何花蓋夫人細馬駝

今日行送金或友孝廉子亮

今日采樵風日好垂垂短髮不知老遙聞極浦
吹洞簫錦裘寶馬爭官道云是漢時金王孫著
書作賦邁等倫天子下詔問南國群公祖帳臨

西園凌雲自合有知己縱橫陸沉安足擬蘭臺
晝坐春空雲綺琴夜拂秋天木顧我蕭蕭柰老
何高堂明鏡愁青蛾人生得意貴年少扶桑弱
水誰曾過

舊縣歌

唐昭信縣去盱眙三十里今廢

昭信縣西寒食路燕支湖上行人度行人不歸
寒食過湖外殘陽隔江樹江樹參差愁脉脉日
日牽衣上沙磧客夢長隨海燕歸江路花開春
月白遺老新耕江上沙少年經戰老天涯挿田

歌裏分明道紅廟村邊是帝家

南滁道中

艱貞成汗漫匹馬入南滁
溪女耕官道田歌識
霸餘城孤山勢合水隱寺鐘虛
搖落年來意逢
人乞素書

極目無相識田翁或子真
亂流看飲馬深樹坐
懷人雲物嘗如醉行藏不記身
勞歌當日暮何
地不西秦

越客愁騎馬淮南此見山
平沙千嶂起霸國一

僧還市近溪魚美風輕估婦閒此來疑獨遲惆
悵落星灣

三度遊西澗林僧盡笑迎幽棲從此去夫子獨
無名故國白蘋月中原黃鳥聲披裘君自可冰
雪昭孤行

寄息菴先輩

北固山應老浮名悟息機草肥秦塞馬花落漢
臣衣戰鼓江聲舊遺民邑里非中原休悵望落
日片鴻飛

暮春留沈鶴士還山居次其贈韻

送君何處去愁裏客星湖花落江城晚人歸野
炤孤獨憐秦甲子猶見魯諸儒歲歲柔柔發靡
蕪媿故夫

再贈鶴士

賀監宅前路年年棲遁心欲知芳草意時有一
鶯深室已無萊婦名猶媿竹林暫來人外住剪
燭話春陰

寄來四民起

西陵江上路東去是湘湖碧鳥朱櫻下青天白
舫孤寺鐘連解氣山色似匡廬向日烽烟息浮
家對荷鋤

初春偶作寄陳大平遠

岸柳濛濛碧流鶯細細聞年華長似客天地正
從軍書寄江梅晚陽回塞雁春不堪明鏡裏清
夢思紛紛

寒食

戍鼓江城暗繁花雨雪遲兩京寒食節千載杜

陵詩首蓓迷芳杜銅鞮間竹枝不堪河畔柳歲
歲贈相思

同蕭大公懋再宿東園兼遲蕭二公溥

惜別梅花發重來綠樹深天風吹晚照客夢滿
春禽漢隱東園在吳歛北里尋百年存友道高
會復沉吟

秋日集梅市草堂送顧茂倫還吳

海客彈琴晚天空捲幔秋朱花含返照白鳥下
滄洲漢隱何年宅山陰此夜舟相思長惜別古

意在登樓

同彥遠泛湖南謁叡堂禪師

風日湖南寺秋春雨度過輕陰移白舫古路出
青蘿碧玉當窓面桃根隔岸歌年來轉淒澹金
地禮維摩

送牧雪上人還廣陵

緝衲初相識相逢又擬還斷潮江上月橫笛夢
中山跌坐長看劍懷人每閉關青楓黃菊裏浩
蕩此身閒

河西雜感

永和似舊年光江北逢春意獨傷馬上曉雲
山倚伏雁邊沙路日微茫中原百戰餘青艸絕
塞千家徙白狼不盡登臨回首意銅駝金秋晚
蒼蒼

客窻今似住僧寮三千無家意已消竹院去年
寒食雨羊裘何處富春潮花開鹿苑人三世艸
暗金陵夢六朝慙愧絳紗村裏住故鄉今亦少
漁樵

宿醉翁

豈爲浮名任此峰翠微深處佛燈逢溪聲不斷
何年雨客夢分明此夜鐘四海黨人元祐後千
春國士義熙重阿誰會得高寒意曉起長廊獨
倚松

獨宿空山意自驚遊人更入旅人情鷄鳴遠寺
連松火水出中峰合磬聲小隱菰蘆難自得大
觀天地或能平臨溪一夜江南夢自起裁書勸
期耕

同化山師樵風首座泛舟訪林處士墓還

宿湖南

百二河山此地孤先生終古獨稱述羅浮夢醒
梅非昨遼瀋人歸鶴已無隔水暗塵橋上馬倚
樓殘照遶邊湖何人又續前身話燒芋三更撥
地鑪

懷胡大彥遠

聞道攜家住錫山使來未有報書還角巾蕙帶
青春老短棹桐江白晝閒明月故人吳苑路西

風征戍穆陵關何時醉倚高齋話笑撫胡公雙
白鵬

寄懷梅氏兄弟

宣城兄弟解相留客裏同登謝朓樓夜月論文
桑落酒春風送客木蘭舟十年戎馬生華髮滿
地江湖失故侯好向少微高處臥此生吾已托
滄洲

次萬年少韻惜別胡大彥遠

故國關河似入秦勞勞亭下客中身樵歌夜半

生今古俎豆千春見此人玉座何年宣室夢金
泥不媚泰山神與君更上蕭梁道小雁長條咽
去津

再次韻投贈年少

問余何意出淮津木末芙蓉炤病身白眼敢煩
安邑主青山送老義熙人聽來鴻雁偏依塞刻
却桃花好望秦潏潏中原平不息黃河東下獨
傷神

醢雞景裏望西秦谷口桃開兩度身天地無言

空我輩菰蘆有意夢何人黃榆白草彭城路細
雨秋鐘北固津惆悵江行却歸首迴颿撾鼓悅
江神

春夜

三月江村猶擁絮五更澣角正歸鴻鏡中人去
憐青鳥石上花開寄紫茸鵬羽軍聲驅朱鵲馬
蹄殘夢入盧龍何時風雨朝元路曉日曛曛聽
禁鐘

送友人遊江右

官道垂垂楊柳春明朝匹馬是征人江東好客
周公瑾谷口躬耕鄭子真彭澤艸青三月雨鏡
湖花老十年身與君惜別君應念仗策重歸莫
問津

禹陵

唐陵漢寢俱搖落神禹功高自不磨金簡無聲
寒夜月日珪有氣接天河雲中雜吹迎僊馭澗
底漁樵答帝歌修祀祇今荒徼徧野人日暮意
如何

毘陵雜感

驛路江深馬足平，迢迢不盡旅人情。
磨書自拜延陵墓，烏道人尋黃歇城。
千里暮潮通鍤甕，五原秋雨沒金莖。
何當仗策臨高望，朔雁紛紛入塞聲。

許仲將爲仁和學博寄詩示意

知君捧檄木爲郎，博士褰幃近故鄉。
三月繁花燕市酒，十年清夢薊門霜。
談經匡鼎聲名舊，出塞田疇感慨長。
湖海弟兄休隔絕，秋來鴻雁已

成行

暮春同許仲將張履嘉諸博士集湖舫

湖上輕陰載酒過青衫蓬鬢意如何一時人物
非元祐三月風光似永和落日迴舟聞白紵春
城策杖見銅駝何年牧馬吳山靜游女長攜緩
緩歌

九日同彥遠宿蕭公懋公溥宅懷舊

西陵江上又今年九日懷人正可憐蟋蟀夜堂
紅袖雨芙蓉秋水白門烟登臺一望邊聲苦抱

鄴三更濁酒賢莫忘蕭家兄弟好閉關清梵禮
諸天

哭胡大彥遠

湖上驚傳鵬鳥音虛堂兀坐晝陰陰青燈有女
留三絕白馬何人試一臨幾度寄書春雁後十
年懸榻夜窻心渾疑泛海曇摩去蓮社能來許
重尋

理安寺

谿迴雲林深寺門見太古山僧半路迎鐘聲日

當午

松巖閣

高閣經年閉長松獨倚天
忽聞飛鳥過人語落風泉

且任亭

江上望南山蓮峰青歷歷
誰知江上人今日峰頭立

新菴孤峰閣

上嶺疑無路到門知有山
芙蓉開絕壁海日炤

烟鬟

京口聽潮

兩槩寒潮荻葦鳴
六朝遺詔付漁燈
聽來不是濠梁趣
一夜滄桑萬古情

河西作

辛苦滄桑欲見難
大河風雪古來寒
相思梅竹江南路
夢裏詩成馬上看

寄胡大彥遠

越客吳僂別有情
青衫迷鵲日邊迎
山中此夜

無今古水閣挑燈聽雁鳴

千里儲書似戍秦梅花河渚隔年人故交問我
今如雁地遠天空雪滿身

竹枝詞

雲輶惜別思茫茫門外烏啼漸曉光惆悵起來
渾似夢櫻桃花下打鴛鴦

山上蘼蕪山下看天涯何處倚闌干十年記得
橋西路細雨杏花寒食寒

代友人湖上曲

木蘭花下月光微
近水朱樓炤解衣
今日重來真似夢
半塘風雨送僧歸

醉贈周二

雲深樹暗聽流泉
醉裏梅花更可憐
玉帳無聲金闕迥
當今不用李青蓮

少年曲

醉別鳴箏秦女樓
紅塵一騎出長秋
射生隊裏知名姓
白羽雕弓紫綺裘

當筵不揖武安侯
代馬橫行十六州
都護臨邊

長不調青霜白雪滿吳鉤

送客游秦

桃李何芳菲江南春減衣隴客夜吹簫遙望華
山畿煙白草新碧沙長燕未歸回思薊門道擊
筑知音稀

渡京口作

浮玉峯前路乘橈更幾回鐘鳴沙岸月潮轉石
城雷萬象生今古乾坤憶霸才都亭畱庾信襜
褕此重來

卷之八十一
曉日開清暑孤槎樣太虛江光含北固客夢
南徐身世慵看劍行吟悔上書海鷗沙鳥
見一樵漁

櫓歌中夜發城烏隔浦啼笛吹江月墮家近石
城迷延年進女弟異吾憐小妻莫愁羈客苦明
日是隋堤

黃河道中

鷄鳴估客行日出大河明積雪通霞氣迴風落
鴈聲沙連淮楚白山入岱宗青我獨何爲者

惶萬古情

將之歷下別許大仲將

送客臨滄海登車復贈言高堂雙白髮去國一
青樽日觀明天表河源出地垠東游信浩蕩誰
謂飯王孫

結髮金閨裏長啼玉輦傍五陵懷劍客四十射
書郎倚馬看新鴈當樓夢夕陽相思無斷絕古
月照河梁

曉行卽事

曉發黃山店還過張夏村昔賢遺想像吾道托
裴發積石通秦觀餘霞散海門天鷄啼不了今
古此朝昏

同魏惟度吳星若過一味禪院并畱題一
味泉

蒼耳城西路青鞵引興長草堂天地小花塲燕
鶯忙月隱金堤水風翻石鼎香欲同彌勒住清
夢不須牀

次惟度韻

擬結茅亭子寒泉知我心匏尊江海濶風雨佛

燈深投轄我將去扶筇爾獨吟誰爲後來者鐘
磬動雙林

壬子仲秋魏思永過頓丘待月小飲有懷
施愚山使君即席作

座有三山客平分九十秋露華看杳靄桂樹且
淹留送汝桓伊笛懷人謝朓樓慙慙託尊酒後
夜憶滄洲

長至後一日答友人

獻殷初陽動觀臺紀歲重雲移泰時樹雪隱泰

壇鐘刺繡憐過市祈年願學農漢京風物好童
子日高春

送袁九叙中丞撫山左二十韻

衮衣東國望玉節尚方遙誼主尊憂契儒臣仰
姒姚繁纓天廡賜蒲璧紫宸朝三輔環京鎬卑
車戢麗譙飲冰心悄悄執熱吏曉曉海日凌虛
觀徂徠隱暮潮城隍譚子國路人崱嵫山橋詔下
臣鄰喜旌臨士女駟明堂勤述職綿蕞訪芻蕘
夙昔巡南服曾聞格有苗駟驪歸貢賦爨爨盡

漁樵雨雪增華髮園陵想寂寥
詒謀傳聖子報政答文昭
祖席仍周道銘功擬漢標
紫雲開甲帳白羽拂丹霄
拭履猶瞻魯裁書好射聊
大 臣恒抑抑小草愧刁刁
獻賦頭應白行吟尾欲脩
燕臺空擊筑吳市憶吹簫
感激平原意迴車 倘見招

夏夜家山獨坐看月有所思

豈是關山月翻同遠別離
明河虛此夜清夢憶他時
眉暈鉤簾見啼妝拂鏡遲
曲房營繞座塵

閣竹侵帷白紵風微起青蘋木末悲鄴臺銅雀
老楚殿玉魚移絳雪何年待黃壚祇自知會尋
叢桂滿千里惻心期

黃河舟中作

太虛瀕洞西日沉我來鼓櫂何沉吟荒荒古岸
風雲勢浩浩洪流天地心舟師賈客曉歌發鼙
鼓鳳簫秋氣深昆侖西望無消息輸輓東南自
古今

豈有泥金動紫微茂陵西望思依依星槎八月

天河迥壁馬千年帝子歸落日牛羊迷大澤秋
風婦子賦無衣盤庚誰語何人上碧海朱霞看
雁飛

阻風天妃聞謁 金龍大王祠恭讀廟碑
紀事明日得風解纜祝而焚之水濱

嗟王生不執燕然若上歸神五百年日月雙輪
烈大地河山九曲壯中天洪流此日憂漕輓宗
國何人賦大田多少烏衣舊王謝吹簫擊筑向
居延

寂寂湖山載路馳
皋亭山下鴈初過
丹心自不求青史
浩氣終然壯大河
魯國諸生齊下拜
漢家驃騎且安歌
靈均自憫含生苦
燭豕判羊柰爾何

再游城西水關馬上作寄示同游者

苑西荷葉綠新齊
欸以重來路不迷
越客自吟青玉案
燕姬知倡白銅鞮
金落雨過飛鳧靜
翠幄風閑乳燕低
歸去輕塵天路遠
憶君重有數行題

寄紀伯紫兼懷年少彥遠

南州耆舊近何如北道何人可卜居
一日青門留襪襪三年白社少音書
鍾山落照鴻飛遠牛渚清秋月上初
知子依劉遙有賦不堪狂客獨迴車

旅堂掃迹隔西平多媿西州舊友生
九日臺邊還戲馬三春湖上獨聞鶯
名山禮佛知何事禪草遣人總不情
猶有白門遺老在慈仁花下對沽纓

送友人歸省江東

薊門霜月點征袍上客將行太白高
獻賦昔邀三殿對拂衣今謝五陵豪
徂徠雪滿晨驅馬京口帆開夜聽濤
尚有東山絲竹在金樽彩裊莫辭勞

上谷郡齋長至

古木風高曉月孤山鵝野鶴自將呼
先人俎豆烽烟隔舊國陵園涕淚無
千里朔雲迴素客百年清夢托層蘇
井泉扈從群公事白髮青衫一

病夫

同袁黃門中丞兄弟慈闕上人游西山諸

刹

出郭輕塵散馬蹄
夢游真到上方西
碧雲寺古龍湫暗
香國林深象罔迷
天上星文留御墨
人間歌舞幾前谿
芙蓉青嶂金仙立
垂手招予度石梯

前身摩詰許重來
獨翠遙青百尺臺
四面好風清磬落
六時靈雨石幢開
太平玉帛祇園見
威

里歌鐘梁甫哀惆悵隔林歸騎促鶯聲特地送
人回

辛亥初夏三日同燕市二翁游西山諸
蘭若凡五日返雖未能選勝幽深較去
夏從臥雪公游則稍似整暇矣先後得
七言近體數章逸其稿乃于暇日臆而
錄之詩無足存念自有京雒以來便有
西山其間賢豪累累其著康樂之履聞
東林之鐘者幾凡幾人再來名山摩娑

舊題歲月者凡得幾客也同游二翁闕
閩中人無市井氣胡翁崑素年七十矣
嘗酒間自言曰某雖老願從公一游西
山他豪客不能從非從公不可酒數行
因自搔短髮撚其髭曰明年知健否何
翁卓崖自請爲西山鄉道與香山藏經
院僧延如相善延如無他長跛一足善
飲與余中夜飲嘯林木皆振宿鳥皆啞
啞驚起胡翁先寢予乘醉自榻扼胡翁

臂強之歡翁擁被寒栗笑而言曰宜奉
命力不勝酒且明日當還山妻穉子相
待願從公乞骸骨予笑而釋之此夜殊
恣達旅延如庭前種芍藥數十本屋後
櫻桃園一區衣食粗足無求于城市彼
西山精藍弘敞甲于天下其僧舊爲五
侯中貴人所餽養今尤捷足而好利顧
延如獨跛而好飲若延如者其廢于形
而全于天愚乎信而智于酒者與因錄

小詩漫爲記壬子九月中浣一日書于

頓丘署齋

游香山諸精舍還宿藏經院

結侶春城暫解鞍
過谿人似虎谿寒
香臺花雨三千界
石路松聲十八盤
獨翠峯留天上路
來青軒駐月中鸞
重城東望迷雙闕
許史笙歌正合歡

明世宗幸香山稱西山諸峯唯香山獨有翠色
神宗御書來青軒額蒼秀有

顏魯公家法軒外有姜立綱書來青軒
額則踏拖猥俗不可耐矣故香山寺記
有 聖祖稱獨翠神孫記來青語事見
帝京景物畧

又

再上香山日未斜山僧茗薜薦槐芽櫻桃的的
珊瑚樹芍藥垂垂優鉢花臥佛貪看三匝繞黃
姑清夢百年賒我來濯足臨流坐陵谷何人記
歲華

碧雲寺 一名于公祠

碧雲金碧藹重重祇樹香林笑殺儂阿監目營
三窟兔法王施與五更鐘龍湫百丈哀寒土雁
塔雙梯對偃松無那倦游渾欲睡天風吹惺綠
芙蓉

寺創始于于監再值魏監當事大加營
建金塗糾飾照耀雲日後列中貴人墓
重欄複道制度踰通侯計其輦石災木
費以億萬計蓋中貴無子孫故爲此漆

城石柳計非其知見賢于楊王孫也墓
道踞碧雲高頂墓前一石亭祀于監然
袍笏如新或是魏闔爾是日子游石亭
小憩有一老內監做青衣戴草笠亦至
石亭有道喲困憊狀因脫笠向塑像再
拜言曰祖爺祖爺福被汝享盡矣寧知
子孫之苦此語雖駭亦可警俗山頂正
中有魏闔生礦後以罪僇不果葬寺僧
言數年前有一中官驟貴魏闔門生也

復具衣冠塋之嗟乎中貴何足道猶可
以魏吾輩之指跡西州操戈竊屨者

臥佛寺

曲肱自愛石堂寒莫作雙林晏息看客到上方
松子落鳥窺香積蕨芽酸天人大事花微笑陵
谷浮生路幾盤一自明星人去後祖衣長挂碧
欄干

皇姑寺

翠華北狩紫臺孤禁藥曾問諫草無一日雷霆

誅少保百年雨露祀皇姑穹廬朔雪還家夢肅
壁春風出塞圖十里香臺遺老拜陵園若个薦
新蒲

明英宗北狩有尼呂氏秦人止輦伏諫
侍衛擁逐之遂殞英宗在塞外嘗見尼
左右扈從駕還復辟追錄其功勅建順
天保明寺祀尼像于東偏或曰順天云
云明保天順隱語也事見景物畧當得
之父老之傳聞云

石景山

輦道陰森歲月多黃雲白日指渾河穿泉百丈
驪龍渴鑿石千夫鈍馬駝夜月靈旂羣帝語春
風花雨法王過我來獨傍星辰宿清夢紛紛出
女蘿

渾河源出塞外合于盧龍明神宗自天
壽山謁陵歸東渡渾河危橋棧道水勢
洶湧因念黃河漕輓至重宣諭河臣加
意疏築一時扈從作詩紀事自李文正

而下七言古數章皆爽傑可誦詳載景物畧自石景山西渡渾河則有秘摩崖百花巖諸勝地窅窳幽深不減沃洲天姥臨河而歎山靈其舍我乎

退翁亭

退翁亭子鬱蕭森退谷峯前雲木深大硯牀前畱著易小山賦後早汕簪春風廢圃開紅葉夜月虛堂響梵音何日籃輿同勝賞青山不負伯牙琴

退谷孫北海侍郎讀書處北海明辛未
進士思宗朝給諫鼎革自田間起歷仕
至少宰以耳疾上書引退閉戶著書有
五經疏義俱手著授梓行世尤熟先朝
典故自鄒社壇壝以及醴漕馬政皆能
口授其畧然多沉默不言嘗著學典二
十卷凡三易稿時余下榻袁修菴黃門
家與退翁宅相對會夏伏暑喝余將出
國門爲閉戶揮汗分校學典十卷退翁

恨相見之晚暇日治具招飲家藏宋元
人法書名畫及金石遺文最多皆神雋
有生氣非世俗市廛所嘗見也而尤雋
異者所藏米海嶽研山遠近前後十二
峯顧盼生動細如嬰兒指大不過數寸
峯前有右一壑稍長左一池稍狹而圓
池壑之間界一小石道似欲達中峯者
石色正青如靈壁退翁什襲不肯多示
人余特請觀退翁笑而出之正容拱立

而投客客膝席而受觀群峯如巫山新
雨後秀潤欲滴而峯巒池壑化工自然
倘所云微塵法輪不可思議者虜是日
風日清美退谷脩髯偉顙年八十矣目
奕奕有光窓前有白石几長廣丈濶二
尺餘退谷笑而顧余曰僕據此几讀書
非口誦卽手鈔凡三十年矣其四隅稜
角宛然唯安坐榻正面剗缺如新月者
數寸窓前古藤一本長數丈下護朱欄

養二鶴古藤垂陰蔽日風聲蕭瑟二鶴
梳翎長唳如在洞庭林屋也此七年客
國門第一勝事至頓丘搜錄舊稿乃補
記之北海諱承澤順天人所居齋曰硯
山署座右曰考亭真弟子伊洛大功臣
蓋以理學自任云他日還鏡湖擬作海
嶽研山歌并硯山齋觀畫記非敢言文
也以志勝游之歲月耳

初至頓丘歲杪大雪無廳事之擾賦詩數

章

夜堂風急玉壺冰
南國梅開寄未曾
歸夢每過橋外寺
離歌重憶水邊燈
獠奴待酒如逢魅
徒卒當關似養鷹
爲報公田多置釀
簿書束帶我何能

積雪空庭夜氣寒
何來雙鶴倚闌干
城荒睥睨人煙少
歲紀蝨螟賦稅難
華髮自羞牛馬走
高歌長對籜皮冠
故人尺素無繇達
洞口薔薇笑謝安

南國家書盡月稀朔風愁對舊縫衣清齋禮足
真無邨濁酒當壚似息機戶有閒田民力困里
多私馬健兒肥深源咄咄緣何事伏枕香爐晝
掩扉

多愧泉明誠子詩雪中擁泉自呼兒慈親封鮮
書難寄高士揮鋤意可師自入風塵悲粟里每
逢櫻笋憶花時鶯啼谷口梅如雪醉艸迴笛送
客遲

地僻桑麻散吏尊蒼頭負弩叱奔豚凌雲已覩

文園令問字還疑絳帳邨
草閣鷄鳴喧午市
城鵲噪報朝
瞰春來積雪如銀海
高臥加餐鶴
聽門

吏部祠堂春草深

萊陽宋公元長

青霞齋閣夜猿吟

會稽

沈忠愍公

褰帷玉貌驚
儕俗隔巷烏衣變
古今沙際

雁鳴東海日
城頭月照北堂琴
我來俯仰唯高
詠馬策西州愧此心

魚鹽入市夜歸遲
遺老垂垂桑柘枝
豪氣獨尋
南八里餘風應洗頓丘詩
雪深齋署迷黃獨酒

響銅鑼唱紫芝日讀軍書十二卷桐鄉無計浙
江祠

春城霽雪動春光齊鼓聲傳夜漏長彩仗暗分
青社土銀幡遙對紫髯郎蠲租屢下神明詔
祈穀新書大有祥應獻明堂三禮賦蒼龍左個
殿中央

奉使檄出郊馬上偶然作一章

春郊麥秀雨如絲騎馬休傷桃李枝自是傳巖
勤版築更勞姬旦待天時把犁健婦當門急負

錦孤兒出巷遲但使昇平群盜息蓋公黃老亦
吾師

獨游慈仁寺買得草蘭數本向來所少者
云自黃山來客以紙糊竹籠和泥封護
燕程而至

白髮青門住驚春見此花尙書初入省夔姁夢
還家谷口人誰似湘川望轉賒永和風日好脩
襖憶天涯

萋萋幽谷意渺渺洛波塵下嫁憐張碩行吟逐

楚臣乳鶯啼處
祭芳樹密成鄰
怪爾慈仁寺繁
花滿眼新

暮春齋中寄孫北海侍郎

花落金臺宿霧昏
懷人如在絳紗村
書成硯北還留稿
客避牆東只掩門
信史兩朝文獻重
尊經一代典型存
雙荷淨洗聲聞外
越客狂歌孰與論

溪行卽事

廻谿青嶂石橋寒
小艇藤蘿仰面看
飛鳥無聲

花似雪却忘前度是哀安

題夏君履小像

夏爲故驃騎偏將軍

上將龍韜久息機
天風灑頂著緇衣
橋邊黃石知何事
若个封侯得早歸

已分投閤老白雲
故人携手思紛紛
芒屨再上金臺望
日落西風鴈幾群

花朝前一日寄姜綺老

客邊明日是花朝
夢到江南第一橋
鄉信不來春已半
賣花聲切馬蹄驕

南州耆舊本風流
白髮青尊紫綺裘
猶有鹿門妻子在
野橋楊柳望歸舟

隴上春寒不見花
邊城下馬正吹笳
十千沽酒秦姬壓
乘醉還過劇孟家

長安竹枝詞三章

摩訶池上白頭新
聽雨長安夢裏身
芍藥丁香開已遍
看來可是舊京春

細字泥金婀娜書
鳳雛搖落閉官車
翠微夜月分明語
曉看青天是白榆

破帽青衫十九年重來乞食杏花前歌姬擊鉢
渾無那若個蘇郎送酒錢

對酒觀南岳碑偶然作

庚戌秋寓黃門家醉後書壁

南嶽碑文古金臺酒未清觀書應避世痛飲得
縱橫八月驚濤壯三更白髮生高歌待明發聊
欲澆吾纒

頓丘解印僦居李生別業九日山僧村老
有來送菊招登白衣閣者

九月黃花也自開依然仲蔚卧蒿萊山僧頗似

東林至野老翻疑西蜀來豈有長風真落帽偏
逢細雨罷登臺絕裾游子身難贖薑桂無勞潯
酒杯